

Aloys Musomesha

Juriste formé à la médiation locale, scolaire et pénale

Projet pour la Réconciliation – DVJP

Umushinga w'ubwiye nyakuri

Gahunda y'ubumwe n'ubwiye nyarwanda

www.projet.dvjp.net Tél. +32474601712

Email: projet-dvjp@outlook.com

Ubwiye nyakuri bukeneye ubuyobozi n'amategeko abugenga

Muri iyi nyandiko ngamije kwerekana uburyo ubwiye bukwiye kugira ubuyobozi n'amategeko abugenga kugirango bushobore kugerwaho mu by'ukuri.

Biragaragara ko hari abantu benshi bamaze kubona ko ubwiye bw'abanyarwanda ari kimwe mu bibazo by'ingenzi bigomba kwitabwaho kugirango dushobore kubana mu mahoro arambye. Ni yo mpamvu bamwe muri bo bafite ibikorwa biharanira ubwo bwiye. Hashyizweho komisiyo y'igihugu y'ubumwe n'ubwiye, hari abakoze inyandiko cyangwa banditse ibitabo ku bwiye, hari abahanzi baburirimba, hari ababukoraho ubushakashatsi ndetse n'ibiganiro mbwirwaruhame, abandi bashyizeho imishinga cyangwa amashyirahamwe yo kubuharanira, hari abasaba imbabazi n'abazitanga hakaba n'ababafasha kubigeraho, hari abatanga ubuhamya bugaragaza uko biyunge, n'ibindi.

Ibyo byose birerekana ko dukeneye ubwo bwiye koko, nyamara ariko ugasanga abanyarwanda tutavugaga rumwe ku byerekeye uburyo bukwiye kugerwaho. Tukabuvugaga mu buburyo butandukanye bitewe no kudasobanukirwa cyangwa se n'inyungu buri muntu ku giti cye yabubonye, hakiyongeraho n'akababaro buri wese aba afite. Byagera muli politiki ho bikarushaho! Urugero ni uko hari abavugaga ko umuhutu wese yagombye gusaba imbabazi mw'izina ry'ubwoko bwe kubera ihohoterwa n'iyicwa ry'abatutsi byakozwe kuva kera na bamwe mu bahutu babaziza ubwoko bwabo, abandi nabo bati niba ari ibyo byagombye no kuba uko ku mututsi wese kubera ko hari n'abahutu bakandamijwe cyangwa bakicwa na bamwe mu batutsi nabo babaziza ubwoko bwabo. Ikibazo umuntu yabaza iza mbande zombi kikaba ari ukumenya ukuntu iza mbabazi zageze abanyarwanda ku bwiye nyakuri. Nyamara hari abandi bavugaga bati KIRAZIRA nta muntu ukwiye gusaba imbabazi z'icyaha atakoze ku giti cye kuko icyaha ari gatozi, nkuko amategeko mpuzamahanga arengera uburenganzira bw'ikiremwa muntu abiteganyaga ndetse n'amategeko mpanabyaha y'igihugu akabyemeza. Ni uko impaka zikaba urudaca!

- Ese ubwiye ni iki, hiyunga nde na nde, biyunga bate, biyunga ryari, biyungira he, inzira z'ubwiye ni izihe;
- ubwiye butaniye he n'imbabazi, butandukanira he n'ubutabera, ...
- Imbabazi ni iki, zisabwa gute, zitangwa gute, zitangwa na nde, zihabwa nde, zitangirwa he, zitangwa cyangwa zisabwa ryari, bitewe n'iki, ...
- Ese imbabazi zisimbura igihano?
- Uburenganzira bw'ikiremwa muntu n'ubwiye bitandukanira he, bihuzwa n'iki?
- Abashaka kwiyunga babigeraho bate, babifashwamo na nde?
- Ni bande bukwiye gusabira abanyarwanda imbabazi ibyaha bakoreye abanyamahanga cyangwa ibyo abo abanyamahanga bakoreye abanyarwanda?
- Ese umuntu ashobora gusabira imbabazi ubwoko bwe?
- Ni ryari umuntu ashobora gusabira undi imbabazi? N'ibindi, n'ibindi.

Guide de la Réconciliation pour la Paix
Umuyobozi w'Ubwiye mu Mahoro

Ibyo byose ni ibibazo abanyarwanda bibaza kandi badafitiye ibisubizo bimwe. Ni nde wagombye kubaha ibisobanuro bikwiye ndetse agakiza izo mpaka? Yashingira kuki? Ibyo bisobanuro yabivana he? Byagenda gute rero? Reka ngerageze kugereranya iyo politiki y'ubwiye n'ubutabera mpuzabantu.

Gufasha abashaka kwiye mu rwego rwa politiki

Nkuko nabisobanuye mu nyandiko yerekeranye n'ukuntu ubutabera mpuzabantu bufasha abashaka kwiye, abahuza si abacamanza kandi ntibagira uruhande babogamiraho. Ariko bunganira abacamanza kugirango ubutabera bugerweho neza. Nubwo ari imwe mu nzira z'ubwiye, ubucamanza busanzwe ntibuhuza abantu. Ubutabera nyabwo ni ubutuma abantu bashobora kwiye bakongera kubana. Ku byerekeranye na politiki nabyo, abanyepolitiki bo mu mashyaka nabo bakora politiki y'ubwiye butari ubwiye nyakuri iyo bayiganisha ku nyungu z'amashyaka yabo aba agamije ubutegetsi bw'igihugu, aho kuyiganisha ku nyungu za rubanda rwose batavanguye. Niyo mpamvu kugirango ubwiye nyakuri bushobore kugerwaho bukwiye kuyoborwa n'abandi bantu badakora politiki igamije ubutegetsi. Muri uyu mushinga, abo ni bo nita abayobozi b'ubwiye. Ni nayo mpamvu uyu mushinga nawise "Umuyobozi w'Ubwiye mu Mahoro" kuko ugamije gusobanurira abantu imbabazi n'ubwiye wifashishije abahanga babizobereyemo. Kimwe n'uko abayobozi mu butegetsi bw'igihugu bakomoka mu mashyaka, abayobozi b'ubwiye nabo bagombye kuva mu mashyirahamwe ya société civile n'amadini kuko ntaho abogamira muli politiki y'ubwo butegetsi.

Aha umuntu yakwibaza ati ariko se abo bayobozi b'ubwiye bakora iki? Akazi kabo kaba akahe? Hari ibibazo byinshi birebana n'ihungabanywa ry'uburenganzira bw'ikiremwaumuntu cyane cyane irikorwa n'abashinzwe kwubahiriza amategeko ndetse n'abanyepolitiki bitwaje imyanya yabo, ugasanga ubutabera bunanirwa kubikemura kubera kubura ubwigenge. Ibyo byose usanga amashyirahamwe n'amadini ari yo abyamagana ariko akabura ingufu zo kurwanya ako karengane kandi n'ubutabera ntibubishobore kuko buba butegeka n'abanyepolitiki. Amashyirahamwe n'amadini abura izo ngufu kubera ko aba atari mu nzego za politiki y'ubuyobozi bw'igihugu. Ni yo mpamvu hakwiye kujyaho amategeko yatuma abayahagarariye bagira ubwo bushobozi bwo kurandura ubwabo ako karengane bamagana aho kubisaba abanyepolitiki batabikozwa. Hateganywa ko ayo mashyirahamwe n'amadini agira intumwa mu buyobozi bw'igihugu butari ubwa politiki y'ubutegetsi nshingategeko (Pouvoir législatif) cyangwa iy'ubutegetsi nyubahirizategeko (Pouvoir exécutif). Ni ukuvuga ubuyobozi bw'ubutabera n'ubwiye (Pouvoir de la Justice et de la Réconciliation).

Iyo politiki y'ubwiye yakwubahirizwa ite?

Abo bayobozi b'ubwiye ni nabo basobanurira rubanda uburyo imbabazi n'ubwiye byagerwaho, maze bakarengera ubumwe bw'abaturage. Kugirango imbabazi n'ubwiye byumvikane mu buryo bumwe butari ubw'amadisikuru atandukanye cyangwa yivuguruzanya y'abanyepolitiki, ibyo nabyo birasaba ko hajyaho amategeko agenga uburyo ubumwe n'ubwiye bikwiye kugerwaho. Ni ukuvuga amategeko-nyobozi y'ubwiye. Ayo mategeko ntabwo yategeka abantu gusaba imbabazi cyangwa kuzitanga kuko imbabazi ziva ku mutima w'umuntu, nta nubwo yabategeka kwiye, ahubwo yabasobanurira kandi akabayobora abereka uburyo bakwiye kubigeraho. Ayo mategeko yarandura umuco mubi w'ikinyoma, uwo guhora, kwihorera, guhorera no kutagorora abanyabyaha (kudahana) bituma habaho insubiracyaha. Ni nayo yatanga ibisubizo kuri biriya bibazo abantu benshi batavugaho rumwe. Abayobozi b'ubwiye baba bashinzwe kuyubahiriza, muri ubwo buryo bakunganira abanyepolitiki bo mu mashyaka (abashyiraho

Guide de la Réconciliation pour la Paix
Umuyobozi w'Ubwiye mu Mahoro

amategeko asanzwe n'abayubahiriza), nkuko abahuzabakwunganira abacamanza mu butabera.

Ku itariki ya 1/03/2014 i Bruxelles mu Bubiligi habereye inama yitabirwe n'abantu benshi bari baje gushyigikira ibikorwa birengera uburenganzira bw'ikiremamuntu by'Ikigo Kirwanya Umuco wo Kudahana no Kurenganya mu Rwanda (CLIIR). Iyo nama yarimo abanyepolitiki bo mu mashyaka, abahagarariye amashyirahamwe ya société civile, na rubanda rwa giseseka. Nyuma y'amagambo yavuzwe n'umuhuzabikorwa w'icyo kigo akaba n'umwe mu bagize Inteko y'Ubumwe, Amahoro n'Ubwiye mu Rwanda (CUPR) nabo bari bitabiriye icyo kiganiro, umwe mu banyarwanda bari aho yafashe ijamba ashimira abagize igitekerezo cyo gushinga iyo Nteko. Mu gusoza yanabasabye ndetse gushinga ishyamba akaba ari ryo ajyamo kuko abona ibitekerezo n'ibikorwa byabo biruta iby'andi mashyaka yose. Umwe mu bagize iyo Nteko akaba nawe aharanira uburenganzira bw'ikiremamuntu yamushubije ko nta mugambi bafite wo gushinga ishyamba rya politiki kuko baba batereranye abo bashinzwe kurengera.

Sinzi niba uwo munyarwanda yaranyuzwe bihagije n'icyo gisubizo, ariko ikibazo cyo gifite ishingiro. Kuko mu rwego rwa politiki, biragaragara ko hakenewe abayobozi baharanira uburenganzira bw'abanyarwanda, ubutabera, amahoro, umubano, ubumwe n'ubwiye nyakuri, ariko batari abanyepolitiki dusanzwe tumenyereye. Bimaze ndetse kugaragara ko abanyarwanda benshi bitabira ibikorwa by'abashinzwe kurengera uburenganzira bwabo kurusha uko bitabira iby'abanyepolitiki bo mu mashyaka. Kuri iriya tariki, umubare w'abitabiriye iriya nama waruse kure uw'abitabira inama z'amashyaka.

Umuntu yakwibaza ariko ukuntu abahagarariye ayo mashyirahamwe bazashobora kwumvisha ibitekerezo byabo abanyepolitiki kandi batari ku rwego rumwe nabo. icyizere bagira cy'uko ibyifuzo byabo byazashyirwa mu bikozwa n'abo banyepolitiki bo mu mashyaka baramutse bageze ku butegetsi ni ikihe? Kuva kera, bamwe mu banyepolitiki ntibemera ko amwe mu mategeko yubahirizwa ku bantu bose, kandi ari bo baba bayashyizeho. Igihe cyose abaharanira uburenganzira bw'ikiremamuntu ntibahwema gusaba abanyepolitiki kurenganura abarengana ariko kenshi bigafata ubusa kuko aba nabo rimwe na rimwe baba babifitemo uruhare. Kandi koko, ngo ntawe urega uwo aregaye. Kugera naho abaharanira ubwo burenganzira nabo ubwabo bazira ko bamagana ako karengane, bamwe bagafungwa ngo ni uko bakoze imyigaragambyo, abarokotse iryo fungwa bagafata inzira y'ubuhungiro, kandi mbere y'uko ababafungisha bagera ku butegetsi barigaragambyaga hamwe nabo, nkuko umuririmbyi BYUMVUHORE Jean-Baptiste abivugaga. Ingero ni nyinshi cyane.

Niyo mpamvu bamwe muri abo biyemeza gushinga ayabo mashyaka agamije guhindura ibintu, nyamara bagera ku butegetsi nabo bagakora ibyo barwanyaga. Abanyarwanda batakoze cyangwa badakora politiki igamije ubutegetsi twibaza ikibitera. Byaba se ari bya bindi bamwe bita ngo ni "amacenga ya politiki" abandi ngo ni "amaco y'inda"? Ibanga ry'iyi politiki sinzi ko tuzarimenya kuko tudashaka kandi tutagamije kuyijyamo. Gusa niba bamwe mu bashinzwe kurenganura abaturage nabo babarenganya cyangwa ntibashobore kubikora kubera impamvu zinyuranye, buri wese yagombye kubona ko icyo ari ikibazo gikomeye cyane kandi cyagombye kubonerwa umuti. Birababaje kandi biteye kwibaza. Umuntu yavugaga ko hari ikintu kibura kugirango icyo politiki ishobore kurengera bose, amategeko yubahirizwe kuri bose, hose kandi igihe cyose. Hakwiye kwigwa indi nzira rero yatuma haboneka abandi bantu bagira ububasha n'ubushobozi bwo kurandura ako karengane. Byagenda gute?

Umuryango uhuza abaharanira n'abashaka ubwiye nyakuri

Igihe kirageze rero ngo abaharanira ubwiye batekereze ku buryo ibikorwa byabo

Guide de la Réconciliation pour la Paix
Umuyobozi w'Ubwiyunge mu Mahoro

byakwumvikana mu rwego rwa politiki. Uburyo mbona nyabwo ni ukwemera bagakora politiki y'ubumwe n'ubwiyunge itagamije ubutegetsu ahubwo igamije guhuza abaturage no kubayobora mu bwiyunge. Iyo politiki ntisaba kugira "amashyaka" menshi nk'ay'abandi banyepolitiki kubera ko, nkuko izina ryayo ribivuga, iyo politiki nshya yo igamije ubumwe nyabwo. Abifuza kuyoboka iyo politiki bakwiye kwishyira hamwe mu muryango umwe mugali ubahuza.

Uwo muryango wayoborwa n'intumwa z'amashyirahamwe n'amadini kimwe n'abandi bantu baharanira ubwiyunge ku giti cyabo, bityo abaturage bakawushyigikira kandi bakawuyoboka kuko bawukeneye, nk'uriya munyarwanda navuze haruguru. Izo ntumwa ntizaba zitereranye abanyamuryango b'amashyirahamwe n'amadini bahagarariye ahubwo ni uburyo bwo kubarengera kurushaho. Ni kimwe n'uko abagize iriya Nteko y'Ubumwe, Amahoro n'Ubwiyunge mu Rwanda nabo bari mu yandi mashyirahamwe. Umuntu yavugaga ko ari intumwa zayo muri iyo Nteko. Amashyirahamwe n'amadini yo ntagira ikibuga cyo gucenganiramo politiki, nta n'izindi nyungu aharanira uretse iza rubanda kuko adaharanira ubutegetsu. Ni yo mpamvu ari yo akwiye gukora iyo politiki y'ubumwe n'ubwiyunge.

Nkuko ubutabera mpuzabantu bwakwunganira ubucamanza busanzweho, uwo muryango nawo wazunganira amashyaka ya politiki mu milimo y'ubuyobozi bw'igihugu irebana n'ubumwe n'ubwiyunge. Abo bayobozi b'ubwiyunge bakorana n'izindi nzego zisanzweho z'ubucamanza n'iz'ubutabera mpuzabantu mu Buyobozi bw'ubutabera n'ubwiyunge. Itegeko ryazagana ububasha n'imikorere yabo ndetse n'uburyo bashyirwaho.

Abanyarwanda bamwe bamaze gushishoza bamenya ko ntacyo bapfa hagati yabo mu by'ukuri, ko ibibazo tugirana biterwa na politiki mbi zadutanyije zikoresheje amoko ndetse n'uturere. Umuririmbyi nyakwigendera Matata Jean-Christophe ni we wagize ati: "abanyotewe gutwara ni bo badutwara baduta mu macakubiri". Mu kiganiro ku bwiyunge nayoboye tariki ya 11 Mata 2014 i Beaumont mu Bubiligi, umwe mubari aho (umubiligi kavukire) yunze murya Matata avugaga ko no mu gihugu cy'abanyepolitiki ari bo bateza amacakubiri hagati y'aba flamands n'aba wallons. Ati iyo ni ya politiki yo gucama abantu mo ibice kugirango ubone uko ubategeka (diviser pour régner).

Kubera iyo mpamvu kimwe n'iriya navuze yuko bamwe mu banyepolitiki barenganya rubanda kandi ari bo bashinzwe kwubahiriza amategeko, hari ndetse n'abanyarwanda batakabagira icyizere. Abageze ku bikorwa by'ubwiyunge ku bwabo cyangwa hamwe n'abandi banyarwanda, ni ukubera ko bashoboye kwiyubakira maze barenga ibibazo by'amoko. Uriya muryango wabafasha guhuza ibyo bikorwa n'ibitekerezo byiza bafite byubakira umubano w'abanyarwanda kandi ukagarurira rubanda icyizere mu banyepolitiki bo mu mashyaka. Kwishyira hamwe byagabanyaga ingufu z'abashakira kudutanya. Abagize Société civile n'amadini bakwiye kugira "garantie" y'uko abanyepolitiki b'abategetsu batazongera gukora politiki mbi yo gutanya abanyarwanda. Nta yindi "garantie" rero nyayo uretse kuba ari bo ubwabo bakora politiki yo guhuza abanyarwanda, hagamijwe no gukosora amakosa yakozwe kuva kera.

Kimwe n'uko mu butabera abahuza batagira uwo (uruhande) babogamiraho, no rwego rwa politiki abayobozi b'ubwiyunge nabo nta shyamba babogamiraho kuko baharanira ubumwe n'umubano nyarwanda. Kutabogama, kutabera, ubwigenge, icyizere no kwizerana ni byo byabaranga mu milimo yabo.

Uwo muryango wakwitwaga ngo iki? Imikorere yawo yaba iyihe? Tubitekerezeho...

Mutarama 2015